

增城縣志卷之十四

人物

儒行

禮記紀儒行詳矣自宋有道學之名說者謂惟宋儒可以當之揔之不離心性之學近是士君子潛心九臯著述日娛景徽前喆不嬰世務跡其行似近于迂然保身自修悔吝不生徐孺子之砥礪郭有道之獎拔軒乎遠矣志儒行

宋 葉野舟

葉先生號野舟者遺其名白岡人博學窮經不求聞達

增城縣志

卷十四

人物 儒行

一

以著述自娛時以宿儒稱之所著有四書闕疑皆根極理要或曰先生名翔龍字瑞卿宋季有薦之爲學職者固辭不就云

明 顧常在

顧常在石灘人嗜學能文補弟子員充貢遊太學旣卒業遂歸蠟屐日遊山水閒有終焉之意或勸之仕則答曰仕以行所學也學之不足而冒榮焉寧非以官爲貨乎遂結廬高灘崗藝園蔬種稻自給安農圃之業適崗中荒歉避役逃亡者踵相接乃出所藏穀餉焉葉逕苦竹二陂稅田十餘頃苦潦不能耕其民困於逋稅常在

鑿圳以資蓄洩遂成沃壤皆樂業焉尚之民德之至今垂之石刻

林 暕

林暕字子覺仙村人少倜儻自雄其才遊於陳白沙先生之門白沙亟稱之嘗讀書南海廟有御史按部謁南海神見其壁間所署大奇之請相見談竟日去後御史訪白沙語及暕嘆曰斯人諸葛儔也白沙與之詩因有過客窺諸葛論詩病長公之句

尹 鳳

尹鳳字舜儀天性孝友連喪二親泣血六年腰經不去

增城縣志

卷十四

人物 儒行

二

身遇所生日不御酒肉閉門悲思輒逾日以孝聞生平非法言不言非法服不服有古人風治家自冠婚喪祭及一切酬應皆有儀率循古禮晨起坐中庭子姪左右侍肅然若朝廷母跛倚者遇親故誠意懇歎鄉曲慕其德然無論老穉皆嚴憚之未嘗敢謾語於其前與邑尙書湛若水同遊陳白沙門爲道義交築萬竹臺於九龍巖講學因自號萬竹又嘗與邑顧鸞鄭潔溫裕趙元甫湯璽共一十七人構鳳臺詩社相唱和邑令朱文簡造其廬贈之詩有縣官到門日三丈萬竹主人頭未梳之句蓋高之也屢賓於鄉卒年八十二湛若水爲之表其

墓

黎民懷 子元熙

黎民懷字德孚少工詩與邑中胡相江多所唱和補邑弟子員試輒高等屢困鄉試母黃病久不瘳遂棄所學遍訪岐黃家得方書母病愈遂精其術學博黃陽及同社諸子各爲詩爲因孝易業卷贈之自是以疾來問者藥之必愈然亦不問值行誼至高里中人有曖昧者不敢使民懷知也少師陳某卒無子民懷爲之營葬歲時伏臘率同事至墓所祀焉邑令王師性王良心兩致大賓式廬問政甚禮重之所著有光霽軒集行世子元熙

增城縣志

卷十四

人物 儒行

三

二孫評許皆著名於時

元熙字雍孺博洽羣書詩律書畫無不精詣補邑博士弟子試輒優等當食餼嘗讓於友之貧者戴筠臺守廣州欲延之爲弟子師元熙弗樂就竟辭之丙子與修邑志多所論述凡當道有所撰著多出其手而厄於一第士林爲之扼腕元熙怡然自若嘉靖辛酉流賊肆掠城中元熙爲縣官畫策請兵爲書數千言倚馬立就捕得賊置於法一夕夢歸水簾題詩有丁寧莫遣移文至谷口終須屬子真之句不數日而卒人皆異之時年五十有四著述甚富今行世有水簾洞存稿然皆散佚之餘

黃蘭

黃蘭字國馨，濠人性嚴毅，讀書有學識。既廩學宮，及貢矣，督學李麟以劉瑾賁賂，故鬻廩取盈焉。臨部歲校，夜闢門索賄甚急，蘭不應，竟黜。遂誅茅構社，自號養晦。日與諸子商略經史，偕一二同志賦詩爲娛於聲利。泊如也。年八十有司，致冠帶，延之賓席。蘭固謝之，有詩云：虛度韶光八十秋，倦飛山鳥已還休。慚無襪綿縫華袞，自剪簔衣俯碧流。尺素免教來使急，閒心剛被野雲留。更憐筋力難爲禮，願借溪山隱白頭。明年春，知縣朱道瀾造門，強出之，就大賓。年八十有六，所著有藏晦稿。

增城縣志

卷十四

人物 儒行

四

劉致道

劉致道字以學生，平敦樸，不欺補諸生，不沾沾事榮利。隱居古崦山中，杜門養親，以孝謹聞。足跡不至公府，嘗著小學切要、甘泉先生爲之序。又立家政以訓子孫，皆有關風教。子維典，歷官教授，所至有聲，人以爲得家學云。

盧應周

盧應周字少文，沙貝人。少從湛文簡遊，有志心性之旨。弱冠補諸生，應鄉舉，幾售者數矣，而卒困躓。乃教授里中，里中人經其指畫，皆有成子。崇勳爲分冰令，應周一

至署中視其政卽命車返崇勳以所得俸寄餉具甘旨
應周悉出之建宗祠賙貧乏里族至今猶能道其事年
及貢得疾遂不起後以崇勳貴贈奉政大夫

盧應徵

盧應徵字穉名望峰先生之孫髫齡補邑弟子亡何廩
於庠每試輒冠軍名噪都邑繼母顧氏孀居應徵奉事
朝夕能得其懽心又嘗捐貲營先祠人稱其孝萬曆丙
申饑應徵出母所積穀煮糜哺餒者天啟甲子又饑卽
遣人千里外買粟賑之然跣地好施予於家人產不問
也生平胸次瀟灑無戚容有以非禮干者亦一笑而罷

增城縣志

卷十四

人物 儒行

五

置之弗校資性尤穎異入書肆市書市人高其價應徵
借覽能覆誦無所遺市人駭嘆出其所欲市書贈之弗
取值每試出爭鈔其所作相傳誦中萬曆戊午舉人已
未會試深爲闈中所激賞以後場謄錄者漏幅不錄乙
丑病於公車夢中有神謂之曰子亟歸吾以順風送子
矣自金陵至增幾五千里僅半月抵家至家一日而卒

湛子雲

湛子雲字翰卿一字漢度沙貝人性至孝事繼母能得
其歡心尤能友愛庶弟內外無閒言讀書務卓犖大節
不沾沾修飾名譽與南海梁朝鍾東官陳學銓齊名皆

爲陳大宗伯子壯所知弱冠補諸生試輒冠軍崇正壬午吳督學貞啟拔之置第一且顏其門曰天下士是科遂以詩經中式計偕名動京師甲申值鼎革子雲嘆曰已矣遂杜門以教授生徒爲事與及門講甘泉先生體認天理之學及 本朝開科取士當道有勸駕者不應至再三則以親老辭會沙貝獨岡坊以無辜中蜚語幾致不白子雲卽挺身出詣公府辨其誣計所活凡數百人人無知者操履方嚴閭里皆奉爲矩式而尤講於睦婣任恤之道所著舉子業亦卓然有大家風曹方伯溶嘗禮聘之以利病詢焉未幾遭父喪哀毀成疾遂不起

增城縣志

卷十四

人物 儒行

六

聞者莫不嘆惜之謂增江失一名儒云

鄭士璧

鄭士璧字君明賓隱文炳之子爲人簡易質樸務讀書能通貫義奧無所凝滯好交當世賢士弱冠補諸生督學蔡拔之置第一廩於庠文名振一時屢困場屋志不少懈辛巳與修邑志論述侃侃不阿重建明倫堂亦力任其事遠祖鄭聰老者當元時以邑學校久廢立聖賢木主祀於家而聰老尙未有專祠遂與其叔大任謀於大宗祠之左建祠祀焉樂善好義出於天性爲人排難解紛無德色有故宦族被橫語幾至破家士璧以身翼

之與邑人力訴當事白其誣又有董某者詭籍補邑庠弟子士璧昌言斥之去甲申歲歉乃出諸生修脯金倡賑黨族或待以舉火與人交必以誠而色甚和藹無稜角卽有橫逆付之不較其教人也必以古人勵之陸邑侯清原創鳳臺書院推爲山長至戊子以貢當詣太學值改革遂輟駕不行無復仕進意當事有勸之謁選者皆以年老辭然意忽忽殊不自得也年八十卒於家其子孫皆能世其業有聲

國朝

鄭志釗

鄭志釗高賢舖人士璧仲子幼聰敏博涉羣書補弟子

增城縣志

卷十四

人物 儒行

七

員學憲李公舉優行貢之太學廷對列高等志釗爲人孝友母黃氏得癱瘓疾躬侍湯藥未嘗假手婢妾不離左右者三年父欲建祠置祀田而未逮父卒志釗繼其志而成之有兄子好飲博蕩其產負隣人緡錢積子母轉輾遂謀廢祀田志釗卽解橐代爲之償居鄉公正縣官聘修邑志者三好獎誘後進視其中可造者輒延師課之有洪某者圖詭籍率衆斥之去每矜恤貧乏病者子藥死者子櫛所著有遊燕集

張上柱

張上柱歲貢生兆璋仲子賦性樸直因號樸齋生平孝

友父母病必手進湯藥衣不解帶父卒有妾石氏鄧氏皆無子老而多疾上柱事之如所生長兄上林亦歲貢生上柱幼時與之相師友終身事之惟謹事無大小必請命其弟某不善營運家漸落賣其田上柱贖而還之歲大饑鄉人之無賴者洶洶羣起欲掠富家上柱諭以義輒止乃出穀百石以賑時奉憲建社倉又與兄上林出穀一百石貯之高埔舊社學久廢學田亦斥賣殆盡上柱向置田數十畝爲其父供祀事乃割其租之半置之社學具修脯曰他日雒誦聲琅琅非我先人之澤乎友人盧甲貧老無子上柱助之資得置妾後舉一子甲

增城縣志

卷十四

人物 儒行

八

曰使我餘塊肉者張樸齋也其隣有葉姓者因亂流散遺田爲黠佃所踞遂成訟上柱詣縣直之又有林姓者撫賊十餘操刃突入其家皆竄匿不敢動上柱率鄉人持白梃往以大義斥賊賊乃斂刃退生平慎默重然諾與人言無佞諛晚年足跡不入城市有古君子風焉

王應相

王應相水東村人遷城南充廣州府學生生平孝友自奉清約顧樂善好施予童時執父母喪水漿不入口者五日其至性然也順治丙戌山寇爲亂蹂躪各村堡人死者數十皆具棺衾荷鍤往葬之戊子大饑發廩賑其

鄉存活者數十家嘗捐東街古樓空處田一十餘畝
竹坑田七畝于忠孝祠供祭事捐縣前屋三間于六賢
祠爲課士之資今亦改以供祭凡春秋二祭祭畢必頒
胙于其子孫又捐馬鞍山田二十畝于以文書院嗚呼
其高誼有可風者矣

鄭東來

鄭東來字紫函高賢舖人拔貢生鄭瑯長子年十二著
奇穎聲督學使者召之至榻前問讀書幾何年應聲曰
一紀矣曰生卽能學耶對曰夜以繼日耳乃大奇之遂
補弟子員試輒冠軍後督學左公亦深相器重食廩餼

增城縣志

卷十四

人物 儒行

九

三十二年充貢太學生平聞主敬之說不冠帶不出戶
受學者每望見生嚴憚心素行敦樸不事粉飾邑侯冉
存異夏熙澤皆重其德望相繼延爲鳴臯書院及瑞山
義學山長邑之知名士多出其門立教不沾沾時藝每
曰學者不身體力行與未學等耳故其詩文樸茂有古
色而學問淵博亦無所不該所著有澹寧堂文集詩集

黃性申

黃性申會僊舖人別駕黃夢說孫惠州府訓導命申弟
少穎異杜門力學寒夜發篋欲臥則以冷水澆兩足由
是博涉羣書究心理窟文慕柳州因自字子厚年十七

補弟子員旋餼於庠性申生而美丰儀顧盼自喜嘗以應舉至會城尚藩門下有謂之者曰子瑰偉若是何必斤斤就科目哉少屈節卽州縣之任可立致耳性申曰功名可他途致耶賦詩謝之有文章掬命全無力富貴憑人大不應之句人有與其兄命申構隙者欲離其骨肉性申佯頷之而托於詠史以自明其意云年甫三十而卒性申嘗與邑人鄭東來釋古雲同闡心性圖說理解精妙其所著皇極經世圖解已殘缺僅存十餘簡然其生平苦心好學之概尙約略可想見近則鮮矣

呂其瀾

增城縣志

卷十四

人物 儒行

十

呂其瀾字淡觀城外東雷舖人少失怙母趙訓督甚嚴遂奮志力學無書不讀而尤邃於關閩濂洛之旨弱冠補縣學生試輒冠軍應康熙辛酉科鄉試薦而未售同考試官深嘆惜之康熙四十三年充貢太學前後邑侯聞其名延爲義學師訓迪不倦及門多掇科第邑人姚蕙少貧艱於學其瀾委曲成就之後蕙領鄉薦繪其瀾像於家禮焉邑舉人梁正黎翰熊森皆出其門其餘知名者指不勝屈其瀾立志勵行動以古人自期燕處未嘗不衣冠有弟早歿撫其孤如己子朔望必詣講約所讀法聽者聳動感發又有才略好爲人策事邑侯有大

政必諮之然未嘗以私干詩文醇正簡古著有東川草堂詩文集長子珣有一溪文集次子衡有午夢詩集

湛 宴

湛宴字文安號蔚林沙貝人性渾厚與物無忤好學深思弱冠餼於庠中康熙壬午舉人生平讀書務實學日尋究其祖文簡心性圖隨處體認天理之旨不事家人產業安貧樂道教授生徒多知名士癸卯赴選得直隸永平府遷安縣以年老原職休致鄉飲三登賓筵邑令王廷鐸題其門曰盛世達尊年九十餘猶能作小楷草書氣骨遒勁有二王法其詩歌文詞皆膾炙人口所著

增城縣志

卷十四

人物 儒行

十一

有蔚林稿

姚 蕙 子階及

姚蕙字蘭仲儒林舖人文林郎文信子也生而魁梧奇偉呂其瀾見而器之因授以學補諸生督學左歲試拔第一遂選拔入太學中癸巳舉人以親老不赴選講學於家授徒數百人門下多知名士三子皆有文名長昌及次錫及並縣學生其季子階及最著

階及字升吉讀書十行並下弱冠有文名餼諸生中一時名士鮮出其右者辛丑江南惠士奇督學於粵得階及牘大器之謂爲南中之秀由是每出一藝輒爭鈔之

相傳誦五列冠軍嶺表無不知有姚階及者應丙辰戊午鄉試皆在乙榜銅陵陳公聘之主惠陽書院授徒數百餘人又何公夢篆聘之主錦田書院從遊之衆如惠陽時邑中諸生請於邑令蔣公延之歸乃設講席於鳴臯及瑞山兩義學敷陳經義皆不沿俗說有心解其詩文古氣磅礴故騷雅之士多請謁焉雍正八年邑令鹿後村聘其父子同修邑志未刻行雖略近繁蕪然鈎考年月甚得志法今修志恒取資焉

黎 祺

黎祺字融介慶隆舖人邑人黎蘭子少穎悟補增廣生

增城縣志

卷十四

人物 儒行

十一

博通典籍篤行孝友內外無閒言生平持正不阿而接物溫然不爲疾言遽色鄉曲有相齟者就正於祺無不愧悔貼服授徒以變化其氣質爲重立論一宗宋儒遇佳子弟之貧者必親爲訓迪資以衣食每歲所得修脯皆以之賙恤貧乏然必婉辭以將之令受者無愧色秉公嫉邪嘗却暮夜之金護單寒之士邑令姚仙都謂其廉靜正直爲士林之冠年七十餘自建達觀閣吟咏其中而質疑就正者履滿戶外焉

陳輝宗

陳輝宗字世光號雙江龜峰舖人性愿慤補弟子員隨

餽於庠食貧力學究極理窟齋居左右皆錄先儒格言以自警爲文下筆洒洒數千言衣冠嚴恪道貌肅然雖有橫逆一見皆色消意沮自愧悔去歷任邑侯皆延之爲義學師教邑中後進其立教謂文章以寫性情倘性情不端則爲文必支離龐雜學者即使僥倖科第畢竟於身心了無干涉學問之餘閒亦弄筆爲山水花鳥皆能體物盡致雍正庚戌充貢乾隆十年選授肇慶府陽春學訓導以年老不就淮原職休致乾隆十一年鄉飲羣議以輝宗齒德並茂公舉爲正賓卒年九十一著有體註訓說鄰鶴亭集

增城縣志

卷十四

人物 儒行

十二

伍天長

伍天長字昂出號衢菴沙貝村人邑廩生試輒冠軍雍正九年充歲貢天長性孝友奉庭訓與兄同治舉子業爲文醇正立品端方嚴厲而接人如光風霽月故學者多敬慕之其教家規矩嚴肅邑令魏綰推爲鄉正鄉黨共矜式焉嘗謂子弟若輕薄浮露則本之不立縱復俊敏亦何足取故其二子在膠序中皆循循守法度所著有四書纂輯衢菴詩

湯有德

湯有德龜峯鋪人性孝友莊和未嘗疾言厲色讀書得

人十已千之旨受業於兄億後遊粵秀書院馮潛齋評其文廣大精深梓以行世名重一時庚子中式屢赴春官不第授徒於鄉堂課諸生先自構一藝以爲程式生平非公不見邑宰人無敢干以私者其典型至今傳頌不衰

黎元祥

黎元祥字履旋慶隆人敦行能文士林雅重以歲貢欽賜舉人會試 恩賜國子監學正歸而講於家主鳴臯講席時年八十餘猶誘進後學不倦生平誠實溫恭丰裁竣整望之令人生敬鄉里有爭得言卽解當事重

增城縣志

卷十四

人物 儒行

十四

之旌其閭曰訓俗型方

鄭珍

鄭珍字耀山號待齋高賢舖人少穎悟讀書一目十行通經史百家爲文不屑屑時好乾隆庚子中式亞魁闈墨出衆爭傳誦文名大噪性跼蹐不治生產授徒善誘掖邑中出其門者多獲雋孝廉李謁聖自少追隨得其緒論英年發達文品兼優人謂師友淵源之益母老事之尤謹晨昏奉侍不敢遠遊登賢書後一試禮闈內艱服闋始再北上嘗謂古人不以三公易養吾何以虛名曠定省爲哉歲乙卯例赴部選座師陳方伯勸令往以

病辭惟耽吟咏自娛所著有焚餘文稿拾餘詩草壯遊詩草藏於家卒年近古稀

伍 星

伍星字燦垣別字奎樓資稟聰敏日誦千言襟懷磊落不爲物累少年喪父孝事主母適兄早逝屢讓美產於其姪以順主母之心甫進黌宮卽領鄉薦兩赴春官不第年三十三歲竟捐館士林深惜之

單乃芄

單乃芄字樵之號樸園少力學與兄乃級齊名質羸弱多病遊孝廉胡璣門青賞之下誠勿攻苦芄曰人非有

增城縣志

卷十四

人物 儒行

十五

爲有守久於世何益由是勵學日進由黌序領鄉薦三赴春官薦而未售父患酒病常臥床數月不起芄侍奉無倦容事後母無間弟姪先後遊庠皆賴裁成力也掌瑞山義學課及門以涵養性情爲要人以爲務學能得其本

趙陽况

趙陽况字次嵩高車村人邑諸生性慷慨樂施濟粵地患蠱毒况檢曾祖君錫良方捐貲送藥全活至千人乾隆丙午丁未兩歲薦饑頻出粟賑恤鄉鄰藉以無患嘗讓地與族建祠終身不言價值居鄉敦倫飭紀秩如也

然持已甚嚴而接物以恕間有橫逆來者謝不與校卒亦無不愧服人咸謂其心化不減薛生云子六人長光濃拔貢官河南通判餘亦先後遊庠食餼季子光蕙成進士

鄭子堅

鄭子堅字白兼號確齋高賢舖人增廣生性孝友素行謹厚篤志詩書貧益力取與一介不苟接物以和鄉曲多敬服之其訓子授徒每出語可當箴銘嘗謂其本不立其文不行及門者多荷裁成學博而數奇不售嘉慶癸酉欽賜副貢邑侯柏公仰其範延爲鳴臯山長邑人

增城縣志

卷十四

人物 儒行

十六

咸欽雅望

賴容熙

賴容熙字明照崇賢都臘圍鄉人歲貢生乃附貢莪之第三子篤實謙和與物無競常以慎言語節飲食銘於座右性沉潛淹通經籍手不釋卷居家孝友教子義方凡冠婚喪祭無力者熙必籌畫捐助以成其事被其惠者至今頌之年近六旬而卒子聖恩有聲於庠

黎泰

黎泰字志同慶隆人性英敏父諸生連元課之甚勤四子五經三年通焉教之爲文命筆驚絕於是飶以羣籍

名遂著弱冠補諸生第一隨廩於庠嘉慶甲子房考得卷甚喜亟薦之主司以格奇欲擯不錄房考力爭列中副車歷掌狝霄瑞山雙鳳等院講席造就門徒甚衆爲人慷慨剛直勇於任事族中諸務多藉其言而定家最貧性孝友父沒有弟六妹一撫養婚嫁各盡其道鄉黨重之著有五經要解交溪文集榕陰詩草藏於家子鳳池甫弱冠應縣府院試俱冠軍其淵源有自來矣

吳爲經

吳爲經字緯原號叅兩石灘人附貢承英之子勤學能文偕族侶遊孝廉天祿梁公門荷賞識有乾及經舒四

增城縣志

卷十四

人物 儒行

十七

家之目首拔鬢宮生平謙和醇樸言行不苟不履公府奉養父母以孝待兄弟以友處鄉族以和歷世先人祠宇墳墓力爲修舉遇饑出貲以濟人多德之嚴庭訓子庭桂歲貢庭蕙廩生孫良憶太學俱能世其家

賴澄清

賴澄清字錦江崇賢都臘圃鄉人邑增生四歲而孤事母孝年躋七袞奉侍色笑無違沉潛力學博涉羣書尤邃於易乾隆乙酉科易經房洪其哲得卷力薦不售性淡泊務崇樸黜華其設教先德行而後文藝故遊其門者濟濟有成至篤宗盟蠲烝租爲房親無後立嗣者無

限族有爭訟多排解歲乙丑制府那公奉 命掄選賢
良方正程明府馮劉兩學博首舉以薦贈型方善俗額
特旌焉年九十卒尤庭訓有方長子文濟庠生次文龍
任化州司訓

文苑

楊子有云雕蟲篆刻壯夫不爲後世學者從事於章句耽玩於詞藻遂以爲無用之具是必金門射策馬上草檄鋪鴻章揚雅樂然後稱文壇之圭臬藝苑之津梁也豈其然哉夫陶公之高懷灑落杜老之忠忱悱惻性情之真自然流露佩實銜華其菁英蓋有不可得而掩者志文苑

明
張少連

張少連字舉之性闊達不拘小節於當世無所不睥睨諸生時河南戴冠仲鷗以謫至居鳳凰山少連過訪之

增城縣志

卷十四

人物 文苑

一

不值題其門而去仲鷗還詫曰是何人所爲者久之知爲少連因求見握手談驩甚恨相知晚也督學魏校亦竒其才召之入署中居西軒令讀書校故儒者性方嚴而少連狂易卒不自檢飭會有譖之者校遂怒除其名少連自以負異才科第可立致顧中道顛踣乃竄名儒士籍走京師會世宗以興世子入繼大統大學士楊廷和等持濮議甚堅而張璁桂萼等以新進小臣持異論中上旨取富貴去少連心艷之亦伏闕上大禮議又上明堂議其言雖條據經史甚辨然類皆希世附會冀幸博一官而卒不可得落魄久之乃從中貴人鎮粵者歸

歸益跣跣恣已無所顧忌遂爲郤者撫拾以罪拘幽獄
中乃作鳴幽之賦其詞曰吁噉莫予警兮盍抒憤以自
鳴將懲羹而銜枚兮孰亮余之中情卽溘死而勿恤兮
懼枉之未正嗟有生之不辰兮獨靳余之純命昉太元
之生物兮亶無心而無爲紛淑慝而並育兮溷參差而
不齊伊耆化而蚩尤梗兮四凶橫而元凱舉元德舜而
傲象兮圮族鯀而夏禹夏臺信而詘癸兮姜里釋而殪
辛比干剖而梅伯殘兮雷開順而崇侯親蹠曷永而顏
夭兮紂曷榮而箕辱虎曷聖而肖貌兮羽曷善而重目
嗟化理之莫測兮矧恤予之行塞將虛生若蜉蝣兮胡

增城縣志

卷十四

人物 文苑

二

備余之物則又敏惠而夙覺兮羗十祀而屬文試睥睨
于一世兮曾目睫之無人謂景宋爲牙輿兮謂馬班爲
儷園謂屈賈爲屬車兮妄斯文之自許天固篤余以材
兮胡旣栽而勿培羗侘傺而緯繡兮將布武而儻回惜
夫履以蹈厲兮又眩露而胎怨勿顛越而郤步兮嗟有
貞於初志繫橫奔而迷岐兮又阻溺于回淵悲往之無
方兮式問津於甘泉幸指余以所之兮信如砥而如矢
載翱翔以逍遙兮覺周道之孔邇斲木蘭以爲車兮鞿
驥而爲驂輿荃萑以爲贄兮將美人之是瞻胡道阻而
多棘兮馬班如而車尼將徒卑於沮洳兮忍淖濘而滅

跡遵雲麓以如高兮紛蔽日之蓬蒿林深窅以黝黝兮
聞夔魍之嘑號雲鬣鬣以潑墨兮雨溟濛而如注風怒
號而震驚兮悲帡幪之無處哀吾生之途窮兮將老死
於山中闢菘蕘以茹芷兮時緝篠而編蓬狎獮鷺以吾
與兮馴麇鹿以吾侶托修篁之比隣兮芘石樓之敞宇
殮明霞以樂饑兮緝彝畱而爲衣縮薜荔以爲帶兮彌
蓀蕙而爲帷 彝原之膺膺兮芟薈蕞之惡蕪植幽蘭
以盈畦兮惟芬馨之自慕嗟美人之未覲兮牽寤寐之
幽懷采衆芳而欲贈兮詘蹇修以成諧涓佳期於芳春
兮恐家室之遲暮嗟下女之善閒兮比釐降而改路復

增城縣志

卷十四

人物 文苑

三

蒙詢而離毀兮胥指堯而爲蹠厚誣正以爲邪兮交詆
璞而爲石龐嗷嗷而吠影兮蘭猗猗而閔芳足旣別而
自信兮冀碧瞳之見珍杳飛熊之夢卜兮殄胥靡之奇
夢媿殺皮之自售兮奚魚鹽之取重孰束帛于畎畝兮
罔釋褐于牛衣孰棄瑕於食卵兮罔脫械於士師悲古
道之日靡兮宜修能之多棄迷元黃於牝牡兮紛駑駘
於騶駟混魚目于隋珠兮錯砮砮而璫琚謂烏白而鷺
黑兮謂白台而劣于元姬嗟市塵之善昧兮舉幕面而
莫識巧中傷于射影兮紛含沙之鬼蜮回余車以南征
兮復索居於朱明嗟山天之旣荒兮日理蕪而芟荆固

雲扉以長扃兮掃浮徑之行跡倚石閣之崑崑兮采衆
芳以游息引山賓以相羊兮與胎仙而翱翔偕木客以
咏歌兮邈塵寰而相忘嗟讒夫之未已兮紛噂啗而深
毀胡違世之不尙同兮羗獨好而殊軌嗟麗姱以招妬
兮信靈修之離刺繫蹇直以致讒兮宜剛介之見棄謂
蘭爲菴兮謂薰爲蕪指茝爲蕭兮誣鳳爲鴉孰無兄而
烝嫂兮孰娶孤而撾翁謂不疑盜金兮謂曾參逞兇溘
嗾絜而就纏兮納罕罕之黑獄羗苦楚以摧挫兮竟幽
囚而蒙辱寘危體于叢棘兮困囊頭之三木旣拘孿以
扭手兮復縱錚以鐐足牢于權之不可展兮械于桮而

增城縣志

卷十四

人物 文苑

四

不能伸姦宄爲伍兮魑魍爲隣鬼伯夜訶兮鬼僕與守
昏且莫辨兮曾不見日與斗垢膩莫滌兮濃鬱蓬蓬蟻
蝨滋集兮肌隱蛆蟲腥穢不可嗅兮生不斃胡爲使余
罹斯極兮顛于帝帝闇重重兮窅窅莫聞明日達聰兮
胡無人余罪當誅兮不足惜一夫不獲兮伊誰責亂曰
曷怨尤兮省咎自懲重練要兮益余修能襍詢完名兮
雖夕沒而余寧後得釋飲於憲使盧綸所龍門令在坐
不相能輒弄酒罵之卒不改也少連所上大禮議見席
書大禮集議中

黎 許

黎許字國倩生而穎異七歲時父元熙與邑中老宿結詩社許時遊其中遂旁曉六義通韻法作五七言亡何元熙卒哀毀踰禮而祖民懷猶在堂許伺候顏色唯謹民懷愛之甚及病篤出其橐中裝曰以畀許許跪曰大人幸愛許雖然吾兄貧民懷遂頷之竟弗強也歷試邑郡皆有聲舉萬厯甲午鄉試明年試春官主司者將以冠多士以末場刺時事弗錄抵家淬勵思自奮以過勞得病而卒時年二十有九許爲人春容大雅平生無艱赤之色然大義所在輒斷斷持不可諸生時修邑志以鄉人議論私一先達者許奮筆塗乙之大爲其子所詬

增城縣志

卷十四

人物 文苑

五

詈訟之官諸所親百方爲解祈少降意竟不易也其爲文洋洋灑灑取暢其意而止所作舉子業亦未嘗剿襲陳說爲譸言詩有開元大厯風致嘗曰我朝草昧賴北地芟除至如七子者非不標新競奇然而繁音急節有餘憾矣識者以爲知言南海韓上桂爲立傳傳其生平所著有白鹿洞稿行世

鄭枝茂

鄭枝茂字可參邑諸生髫齡卽好弄筆墨棘闈屢薦不售遂淡名途耽吟咏嘗寄居省垣與諸名士結社唱和名噪一時工八分書遠近爭慕士大夫齋壁無枝茂書

者非精舍也性曠達不治生產家徒壁立而曾次灑然
素慕李子長爲人效其貧居百咏中多見道語得子長
風味詩稿累千多散逸自號懶齋年逾八旬蒼顏白髮
長袍赤舄時曳杖赴邑中燕會酒闌燭跋吐暢音洪有
狂士趣人謂李子長可入高士傳若枝茂其流亞歟

孝友

天倫至性也良知良能擴而充之卽是聖賢之學
問自夫矯俗飾貌務博聲聞積漸薄矣而德色詬
誶閱牆又其甚焉要知家庭之內不假矜飭草野
之夫肫然無僞發乎情之不能已止乎義之所歸
是君子之行也得以毗庶而少之哉志孝友

宋 韓 經

韓經韓塘人父早喪與弟緯力田養母孝友著聞母喪
哀毀踰禮親凶 治葬於葛岡山結廬於墓左而穴其
壙通出八夜則入壙中抱母櫬宿及旦出就廬舍事耕

增城縣志

卷十四

人物 孝友

一

作食饘粥斷五味不進鹽酪者三年然後歸世稱韓孝
子一日風雨晝暝宅中飛錢數萬人以爲孝感云

元 單仲昇

單仲昇石灘人父喪與兄仲宗守苦次皆如禮事母內
外修飾供養甚篤至大戊申母卒葬藍山結廬墓側三
年蔬食飲水不問家業行省以孝廉辟仲昇辭不赴

明 蔣亞奴

蔣亞奴蔣村人三歲父喪家貧不能學母口授以孝順
事實皆一一記憶每旦出採薪賣於市給菽水雖食貧
終身而視其母無不豫之色年五十餘母卒亞奴哭仆

地絕久之始蘇及葬廬墓三年好事者疑其僞一夕有盜驚其廬亞奴急奔墳上伏而哭曰母無恐奴在此矣頃之一虎突出盜奔去自是人皆信焉

黃 棣

黃棣田尾人隣有爲盜者有司捕之亡匿乃執棣之兄棐時棐無子棣泣曰此行必無生理吾兄世嫡不可以無後棣死可也遂請於捕者願代棐往遂釋棐而執棣赴官官不爲辨竟死獄中後兄果有子

李 聰

李聰字子奇少穎悟讀書識大義事親至孝內外稱之

增城縣志

卷十四

人物 孝友

二

無閒言天順甲申廣西流賊犯境聰父伯昭在西林別墅爲賊所執聰聞急哀家產盡所有得百餘金徑入賊中贖父父得脫歸而聰爲他賊所殺聞者傷之

湛羅樵

湛羅樵字邦寵賦性孝友與人和厚事母孝母病痺不能動履者二十年羅樵負之出入手進飲食母卒廬墓嘗於路得金八十鎰知爲叔母陳氏所遺者悉以還之陳割其半畀羅樵羅樵不受丙申以所藏穀賑饑人高其義

鄭漢昇

鄭漢昇執喪盡禮泣血三年不入私室不赴讌會縣令冠帶延之賓位御史王公表其門曰褒崇孝德

鄭元和 單 綱 王夢鳳 湛德溥

鄭元和單綱王夢鳳皆居喪哀毀盡禮爲里族所推縣令已前後旌其門又有湛德溥者字周叔沙貝人父君綽患蠱藥餌弗效夢有人指其股謂之曰此物可療遂割其右股作羹以進縣令亦旌其門

王惟賢

王惟賢字灼非石頭涌尾人好行其德尤以孝友著稱兄子爵封以非罪被繫時繫獄者多沉滯惟賢恐事不

增城縣志

卷十四

人物 孝友

三

能遽白請於官曰吾兄止一子其誰爲後惟賢請代之及代之而當事者竟不爲辨繫獄一十七年始得釋後生二子與其兄子皆子孫繁衍人以爲盛德之報云侍郎王應華贈之以詩年幾百歲

國朝

姚 嶰

姚嶰鴉岡村人其父諸生熹順治間山賊恣淫掠熹被擄嶰聞之奔賊營叩頭出血請以身代賊乃囚嶰釋其父使歸辦贖金金不時至卽非刑拷掠酷甚無完膚或曰此孝子也稍寬之後金至得釋歸其父乃抱之哭曰幾以吾故死汝矣族長老嘉之給田二畝以旌其孝號

孝義田凡祀必頒孝義胙以垂勸後人時賊殘黨復發流劫各鄉田土荒蕪民不得安息邑令黃某議撫之而未能也賊曰必得孝子姚嶰來乃降耳嶰遂奉檄往招出徐某等四十六人分插各鄉開墾邑賴以安父沒嶰率其兄弟建祠邑令沈澄過之題曰思敬堂因採孝子事請旌後嶰子廣思新嶰之墓時沈公爲廣州嶰兄子相濤請志其墓沈公乃爲之志嶰字藩千號翠巖熹之次子也

馮雅玉

馮雅玉上都馮學下人六歲喪父事其母能盡孝承歡

增城縣志

卷十四

人物 孝友

四

菽水朝夕無怠母終哀毀踰禮親凶功廬墓三年或遇颶風走砂石拔樹幾盡而母墓無恙若有祥雲覆於其上者人皆見之以爲孝感乾隆三年知縣王廷鐸具詳

請旌

馮天載

馮天載馮村人字跨巔邑庠生少孤性至孝母卒爲菽舍居墓左五年每遇疾風暴雨必繞墓悲哀聞者皆酸楚常有盜夜至其廬天載念其寒與之米使作食盜曰吾等倖一飽顧使孝子絕糧耶皆不肯食各抱一束薪置爨下乃去初其鄉阻市甚遠母在時徒走數十里赴

新塘白石買少許肉供母母死絕不食肉至是鄉人毀其舍掖之歸以肉進天載泣曰母在不得常肉食今母往矣雖欲食其下咽乎以哀毀多哭泣故兩日常昏昧不能書闔邑紳士嘗具呈當事未獲旌表邑博士梁君鳳來有詩以傳其事

黃合宮

黃合宮字政林南門寺前街人邑庠雄畧長子性剛而勇於義時以強力肅敬四字銘座右曰此吾韋絃之佩也弱冠補弟子員戒同母弟曰承歡敬養三公不易敢急微名而遠離乎然親老家貧無甘旨亦難言孝矣弟灌

增城縣志

卷十四

人物 孝友

五

園我舌耕可也勿以母非已出子職稍愆致傷父心歲資館穀於外其弟在家因母詬責自縊其父疑後妻苛逼鳴官出之合宮聞變奔歸泣訴父曰苟弟得罪而死是我之不能教弟以得親若無罪而死亦我之不能順親以全弟母何尤焉矧母所出者尚有二人母去而三子單矣父不允所請遂匍叩於邑之老成代陳於官邑令憐而許留之後合宮未三十而卒遺子女三人母感泣而慈愛之其妻鄧氏食貧孀守撫孤成立其母周全保護之力多也子大觀邑庠孫良貴登副榜人以爲孝德所致云

隱德

嘗聞一介之士苟存心於利物於物必有所濟歐
公之父于公之門心術活人性功大矣然無所爲
而爲之與有所爲而爲之固自有閒士夫爲善於
鄉漸仁摩義愷惠旁流祥風布濩潛滋暗蓄不屑
屑於釣名沽譽過其里者生慕行其庭者生敬秉
爨有同好也君子曰是可以勵俗志隱德

明
陳燦

陳燦字璧光石灘人事繼母至孝事長兄唯諾維謹如
事父然年十六遊京師歸而力學益充粹以私財建祠

增城縣志

卷十四

人物 隱德

一

修譜講敦睦之道族中諸子弟化之皆循循守家法鄉
隣有闕者不求直於官而求直於燦燦片言折之卽厭
服時朝命辟賢有司藉其名以應燦力辭窗置一琴嘗
撫而弄之曰今將舍此琴之適而磨精耗神碌碌案牘
閒吾弗爲之矣遂自號琴窗所著有琴窗集及藍溪詠
藏於家

黎明 孫鈺

黎明字孟昭慶隆舖人博學善聲詩於世味無所好言
動必中矩度雖中夜起必深衣博帶出入里中里中人
有不冠者皆走避匿不敢見家法最嚴家之子姪或不

嫻教訓無論少長卽召至中庭長跪予夏楚不姑息時
築城建學衆務並舉檄鄉耆之明達諳練者董其事首
及明明不辭程功庀材手簿籍不輟迄有成效少子皓
經歷南昌得請移檄本省給半俸以養其父亦盛典也
皓陞知縣自有傳

鈺字以和爲人敦樸而恬淡能文章不樂仕進嘗隨父
皓宦西粵皓故清約署中惟脫粟雜芋豆爲羹不改寒
士之素而鈺安之皓顧之喜曰孺子可教矣遣之詣甘
泉時甘泉方講學鈺一聞心性之說若有省至數日徘徊
不能去甘泉謂其可進於道云性好施予里中有貧

增城縣志

卷十四

人物 隱德

二

不能炊者暴骨弗收者不憚罄橐助之及卒御史潘琪
志其墓

湛 江 子瑛

湛江字宗遠沙貝人義士懷德孫性厭囂雜好靜謙約
自守與物無忤嘗力田岡下藝桑數百株以供母有餘
卽以濟人年穀稍歉卽出困中所貯者貸其隣里約豐
年償之不計息如是以爲常鄉人賴之無菜色者暇則
礪斧斤入山樵採因自號曰樵林子瑛

瑛方嚴介直刻行砥俗不輕假人辭色有過輒面叱雖
過當弗恤也嘗畱宿別寓隣有少艾穴牆隙窺其寢所

瑛厲聲呵之婦忸而走爲里正時有縣簿作威福爲民害懦怯者畏其威退避唯恐後獨瑛與抗簿固已啣之矣會同邑猾吏余忠子爲盜瑛又列其狀白於官官撲殺之忠遂與簿深相結共仇瑛以閒入瑛名他獄中誣以罪瑛憤恨得病卒瑛生平好排難解紛扶孤弱抑頑梗人以此多之然竟由是得禍後江以孫若水貴瑛以子貴俱贈禮部尙書

湛德沛

湛德沛文簡從孫年十七爲諸生雅意好古處家以孝友聞樂善好施予絕意仕進優游村墅間足跡不至縣

增城縣志

卷十四

人物 隱德

三

庭閭里推爲名德

盧國信

盧國信字民信憲使綸冢嗣也無紈袴氣習托志閒達有靖節風嘗於飛泉洞口築庄遍植花卉嘯傲其中不聞戶外事隣里有竄者輒袖米遺之子應科領鄉薦

黃 袞

黃袞字朝儀隔濠人性孝友立身以實踐爲本嘗曰文士務浮華多讀書何益顧力行何如耳家故貧約給衣食稍有餘卽與隣里共凡鄉曲中以鹽醢瑣屑相詬誶得袞一言卽渙然冰釋俗故尙浮屠袞力斥之雖婦稚

亦心然其說每晨起整衣謁家廟畢焚香靜坐以訓子
爲務年八十有司優以大賓

周 瑄

周瑄稟性寬厚饒於財不爲己私嘗建三橋便行旅病
者乞藥死者乞棺瑄皆應之無倦色其門如市後子孫
蕃衍人以爲瑄之積德宜有是報云

單 雍

單雍隱居羅浮嘗從湛文簡遨遊於四百峰之間素有
高義族有逋賦追呼甚迫不能償雍代償焉旅人憩於
樹遺其橐而去雍追之數里還之鄉人上其誼於督撫

增城縣志

卷十四

人物 隱德

四

檄縣復其家

林 光

林光性愿慤事母甚謹兄元允並領鄉薦入官光語人
曰吾無二兄祿養之厚獨以善養耳母卒哭甚哀營葬
尤勤及子以良亦領薦爲名刺史君子曰善養之報也

何善政 善述

何善政何善述兄弟修行人皆慕之政年九十九述年
八十八又有張彬伍塗張斌梁瓊皆一時樂善人也

按舊志在明有吳光顧王孫顧立孫顧濟張悟道李
壽顧中興李惟祐鄭元善湯際可鄭敏秀黎文德廖
丕承黎三奇湯任李世爵張明真鄭大任吳懋思周
宗秀李四成何士錦二十一
人本朝有陳扶搖葉

青萬顧伯瑛單文賓潘湛日李子傳鄭展叔曾液金
湯麟國黎循堯張猗鄭崇修姚文升黎異乎陳國石
十五人皆督理修學有勞焉附記
其名于此其中惟鄭大任自有傳

吳廷講

吳廷講字惟沃雅瑤人尚義好施嘗出穀賑饑御史梅
某旌其門曰崇義又市得古成之故址因出貲爲之建
祠人皆義之

吳世淇

吳世淇石灘人事親色養備至母病理藥餌侍奉數年
未嘗懈年二十六鼓盆有子矣誓不再娶得年七十有
五人皆以孝義稱之

增城縣志

卷十四

人物 隱德

五

徐勤

徐勤西洲人資性樸茂怡情山水間不求聞達得年一
百有五歲時稱人瑞

吳本

吳本字復初世居瑤溪里疎於財歲歉勤賑恤又割地
爲義阡以瘞暴骨隱居三星石之左築亭亭外種柳樹
五自娛湛文簡嘗偕御史洪垣過訪垣顏其亭曰五柳
亭并贈之詩曰清風傳泰伯高節擬陶潛

吳謙

吳謙龍地人性至孝少孤執喪哀毀日篝燈讀書淹貫

經史而未嘗涉名場角聲利一日道上得遺金伺其人還之其人曰請以其半污子矣謙笑曰吾卽不五月披裘乃辭十萬而受萬乎嘗遊西粵田州土官某延之爲子師有土目韋添攫土官怒一家十八口將被戮謙以理論土官土官改容謝遂不殺也添旣免曰微吳先生不及此謝之金不受生平恬澹自適惟整家法訓諸子叔子綱中麟經第一人令劇邑以清白著歸休不治生產鄉人皆曰綱賢然以此益賢謙

黃夢尹

黃夢尹字任甫隔濠人貧而有守補庠生願終養工五七律好植花卉繁英滿堦生平與物無競爲士論所推重壽九十有六

何統

何統字承之小樓村人富而好施周卹宗黨始終不倦隱居讀書不樂就試喜植蓮客因題其廬曰蓮所

吳效伊

吳效伊字任夫石灘人母病延醫問湯藥寢食俱廢居憂時孺子泣不絕聲好讀書習舉子業而未嘗應試喜吟咏每與詩人遊逾月忘返所著有家藏稿人多誦之

曾可化

曾可化槎岡人性簡靜雅好聲詩有所作人爭誦焉閒從一二鄉先生結詩社每遇佳山水褰裳先之吟咏輒竟日歸卽杜門訓子非其義一介弗取邑中建南山塔規畫居多知府洪有助羅致賓筵年九十卒邑令謝士章爲文臨喪次哭之復誌其墓仲子受益領鄉薦爲寧德令

何惟明

何惟明接龍舖人真實樸茂不尚虛文至老好攻舉子業不衰爲士林所重

趙仁夫

增城縣志

卷十四

人物 隱德

七

趙仁夫沙貝人事父母最孝朝夕手治飴蜜滌瀧親饋食中夜必起問安否年已七十矣父憐其老命其子代之然仁夫不躬親不樂也有戚屬以事至與之同臥竊其金數十笏以去沒齒不言尤好行陰德所爲善事多不令人知也邑令陸世科嘗爲文旌之

鄭文炳

鄭文炳字孔熙聰老裔孫也事親以孝謹聞生平篤於古道能睦宗黨恤鄉里有叔貧甚割其產贍之歲饑出困中粟爲糜粥以食道路之饑者署縣通判陳堯典舉鄉飲禮延之執醕饋焉年八十有四卒子四次夢龍有

武功次士奎補庠生次士璧歲貢生諸孫亦多賢才能自豎克世其家

賴與愷

賴與愷字貽可臘埔村人貌古而行方貧弱者多賴之以濟里中以細故相訾嗽與愷至輒已先人祠墓皆竭力營葺性尤溫厚有犯而不校之風鄉閭稱爲長者邑令丁衍仁以鄉飲酒禮賓之乞言焉年九十而卒未嘗有一紙及公門

何士舉

何士舉接龍舖人和易謙退羣從子弟一範之以禮尤

增城縣志

卷十四

人物 隱德

八

好急人之急精岐黃書嘗負藥籠周行墟落間有病者乞治出籠中藥予之不受值築室大龍江環植諸名花未嘗涉世途若唯恐浼之者錢邑令舉憲乞之典甚隆禮焉卒年九十有二

王就

王就字仕賢叔父千應貢入京師以就自隨無何千邁疾邸舍就理醫藥寒夜未嘗解衣帶及卒扶櫬南歸生平好賢若渴遇不肖者則優容之不爲峭厲以子三奇贈建昌推官

盧應奎

盧應奎字少燦沙貝人見里中有貧婁者輒咨嗟不已
寒者衣之饑者食之無倦意有族姪少孤應奎撫之如
所生及長爲婚娶延師訓迪得以有成子崇雅亦克承
父志丙申發廩賑饑存活甚衆事母曲盡子職每食必
親供七箸及母亡號慟無時竟以毀故得病而卒人稱
其孝推官孫襄志其墓焉

吳效聖

吳效聖字集夫石灘人孝友篤行而治家勤儉狷直不
爲阿私有司賓之成禮而退生平鮮至城郭鄉族謂之
天民

增城縣志

卷十四

人物 隱德

九

湛恭先

湛恭先文簡之孫少瑰奇尚氣節雄視諸生間先是文
簡移居會城恭先遂居會城會城中無不知有恭先者
未幾棄舉子一意訓其子嘗罄橐中金千里致名宿設
講席於家不屑屑問家人產也萬歷丁酉科有柯許二
生冒粵籍中式恭先率衆詣臺使者言粵中無此人遂
削其籍有子十餘人登賢書者四懿萬曆癸酉憲觀賁
丙午周閔王子家學淵源稱極盛云

吳守英 弟世英

吳守英字乾甫與弟世英事母陳氏至孝母年九十孀

居者五十載奉養彌謹兄弟友愛老而弗衰俱給事公府當得官以親老弗願仕冠帶賓於鄉世英字俊甫有雋才工詩律大學士澱陽趙公尤重之臺使者許大成表之曰秉憲耆英年九十有六又有弟粹英亦賓于鄉壽百歲邑令陸清原致粟帛題其楹曰瑞世期頤

黎臨惠

黎臨惠字允仁慶隆舖人其父庠生某既卒而後生事孀母承順惟謹母稍不憚必起敬恪立母色和然後退處家最儉素惟母所嗜者則不憚多方曲致之生平真率與物無競於事多所退讓邑令嘉其行延之

增城縣志

卷十四

人物 隱德

十

賓位每勉人以孝必稱黎孝子云子之奇克承父訓性端恪時邑方修學之奇掌理一切簿籍出納惟謹

湛功武 孫廣德

湛功武字文濟沙貝人務篤行恥誑語因自號誠齋補郡學弟子員有雋聲有異母兄不能治生家漸落武功代爲經理先兄而後家畢身如一日也嘗爲其父創祠入主之夕夢父與其祖笠寤而占之曰笠所以禦雨祖未有祠先君命我也卽鳩工營祖祠比工竣復修曾祖之祠凡親鄰之嫁娶喪葬或貧不能舉咸傾囊助之族中子弟有敏慧而貧者具修脯延名士爲之師俾就學

君子曰武功孝於親友於兄弟而惠及族人焉可謂三善備矣

功武有孫曰廣德字君吉一字徐子四歲失父不待訓飭能自讀書勵行事母以孝聞田宅之美者皆讓之其兄而擇其僻陋者所衣取樸敝者曰吾樂是也急人之困甚於已待僕隸未嘗有疾言遽色人以爲有西漢篤行風子鳳光癸卯解元人以爲世德之報云

梁勝任 子善信

梁勝任字少南謹厚愿樸而性最開敏喜閱方書囊中貯善藥濟人不受值隣有急者以告無不應妻孥匱乏

增城縣志

卷十四

人物 隱德

十一

弗計也年踰大耋林邑令明興旌之曰令德壽豈子善信字從已有父風事親至孝雖食貧甘旨之供未嘗缺爲人深沈濶達市隱闐闐閒而務敦古誼有士人風性嗜酒飲至數斗不亂或偶醉亦必慎言笑握拳甚謹有非禮之施置不校得老氏退一步法薄俗胥化焉其子擎柱中甲午舉人報錄至善信方飲於其隣若無所聞者累觴盡歡迨暮始返其雅量多類此

鄭大任

鄭大任字宏重聰老裔孫也聰老爲增名儒然家未有專祀大任與姪士璧經度大宗旁而建祠焉天性孝友

而才猷甚敏練督修學宮時竹頭木屑皆得其理邑令陸清源重之生平尤好周卹尙尾村有謝確弘者逋富人錢索之急計無所出遂自沉於水大任曰易事耳何至此出之水中并與之金使償焉後確宏死大任夢確弘來謁曰沐君之恩未報請俟庚午及庚午秋舉一子自是施濟益廣所見有匱乏者輒周之家居鶴嶺惟賦詩訓子無餘事崖州學博吳苧歌贈詩有欹枕風林偕鶴夢當門月影照魚籥之句所著有鶴嶺吟藏于家

黃翼朱

黃翼朱字茂行知縣文典孫也博覽羣籍下筆千言立

增城縣志

卷十四

人物 隱德

十一

就嘗與友人結廬鳳凰山欲近光於崔湛志甚遠而遇數奇七試弗售遂與二三知己彈碁賦詩以寄意焉生平不負然諾不藏否人物所遇無老少皆折節禮之里中有以非意相加者置不校有妻師德唾面自乾之風三子皆有立而仲世徵尤有文名人咸以義方稱之

黃亢宗

黃亢宗爲文典曾孫性孝友雍睦與物無競足跡不至公府而尤好行其德邑士人建鳳臺書院地狹隘限於方隅亢宗卽割所居地益之酬值不受前令陸清源旌其門且授冠服焉宣城馮祖快來署邑事甚傾慕之及

得代主於其子兆伸兆仟之館造廬見必旦暮促膝乃歡贈詩有相水卽今新憲乞潁川猶見舊門風之句

湯際可

湯際可者尙節概敦孝友周恤族黨靡不懇至少時母卒居喪哀毀骨立兄弟五人喪其四獨際可煢然一身伯仲均無子家業頗饒爲之立後得附祭於祠叔季雖有子皆幼稚爲之撫育以至成立未嘗以財自私從弟矩殤婦劉氏未婚而孀守不嫁際可周旋保護亦爲之立後劉倚之如翁然爲人樸直公正督理學宮事有勞屢舉賓筵不赴士人請以冠帶榮之子廉有隱德不忝

增城縣志

卷十四

人物 隱德

十二

父風

單養正

單養正字純學性最孝友嘗爲族正族人稟約束焉好義惟恐不及凶歲嘗率先賑卹至鄉之親而賢賢而弱者尤加意生平重然諾口無飾言遇事能含忍學道謙讓故無雀角鼠牙之事所尤難者山寇嘗蹂躪其鄉養正設竒賈勇寇聞之皆退避去有保障功先是有商於鹽者積所贏數百金貯養正篋中及寇退家貲罄盡獨商所貯數百金在竟還之學士稱詩贈焉邑大夫稱盛禮正賓席皆誦其高義云

黎會禮

黎會禮字克美天性孝友讀書知大義幼失父哭踊踰節事母最謹母有不樂侍立左右不敢動伺候顏色有笑容乃已事兄如父兄病肺手治湯藥不懈及兄病篤以父遺金百餘貽之禮不敢却益以私囊構屋與出繼弟英居焉處衆中不苟爲然諾而恂恂恭謹尤好施予有死而無主者會禮主之具槥殯殮甲申饑會禮罄所有周卹時邑令林明興勸賑有藉會禮名報者侯曰會禮之賑久矣余知之不待勸也及戊子又饑會禮以所食穀減價糶不能價者亦以多寡差各受穀去所存活

增城縣志

卷十四

人物 隱德

十四

甚衆早年艱子立族子蘭爲己子已成立名在膠序後會禮年六十而卒遺腹生一子咸謂天道洵有知云

徐應德

徐應德字時美西洲人禮部儒士性樸行端謹事父母能孝叔早世無後應德成服執喪焉而不艷千金之產讓繼于待生之弟尤好施予遇歉賑濟甚力稱貸者不能償輒裂其券而焚之舉鄉飲賓邑令表其門曰儒林耆碩

國朝

張兆璋

張兆璋字躍珍高埔人少補博士弟子尙氣節慷慨好

義高埔當龍從二縣咽喉國初時山寇出沒爲害兆璋捐資築圍垣護其鄉免蹂躪總鎮劉伯祿剿賊其地止張氏宗祠俘賊男婦數百璋惻然爲請之乃得釋糾鄰里爲食食之榜諸市俾所親攜之去計所活數百人尙藩之鎮粵也諸無賴隸於旗者橫恣璋列其狀白于王王曰生何爲者璋曰君王以神武定南陲而臺輿下隸怙勢爲民害毋乃爲盛德累乎王聞之喜置諸無賴於法自後諸縣得免藩下之害東莞張朝紳明庶常

叔也 死朝紳亡命投兆璋舍養八年康熙甲辰始出應試成進士有東漢義烈風焉子上林上柱並歲貢

增城縣志

卷十四

人物 隱德

十五

葉友文

葉友文慶隆舖人性至孝繼母待之甚苛父欲逐之友文叩頭流血願勿逐母遂得畱兄嫂早卒友文撫其子其子又卒友文乃爲之撫其孫讀書爲諸生能以行誼表率鄉族排解爭訟而周卹貧匱嘗捐產繼絕世於路得金還之年八十邑令詳請給八品頂帶

鄭璇

鄭璇字玉旋高賢舖人太學生天性孝友生平端嚴方正而待人溫厚有兄沒無後爲割產立嗣居鄉族間獎其善而誨其不及一時奉爲標準遇歲饑則盡出其家

之所積與貧乏共之有紛爭者璇出一語則立解蓋德之感人如此有朝官朝爾岱者以丈城來增一見器重之曰先生渾金璞玉人也因贈以號曰璞齋顏其堂曰襟懷瀟灑晚年以詩禮訓子孫太史鄭際泰題其別業曰敬義齋子采授州司馬紹聖及孫鍾巒皆邑庠生曾孫俊歲貢生年八十二卒族人奉其主祔祭於始祖祠

張朝璋

張朝璋仙塘人氣度凝重而至性敦篤事其親必日侍右未嘗傾刻離也及父母相繼歿哭泣盡哀幾喪明有幼弟爲賊所擄朝璋冒死從之不忍舍賊憐而釋之其

增城縣志

卷十四

人物 隱德

十六

爲文質直古樸學使鄧取遺卷青其襟寄之學以需後試生平以節操自持訓飭鄉族置書田以風勵之後生皆蒸蒸起子非熊孫以蕃俱補邑庠生年九十八邑令張請于上給八品冠帶

吳錫貴

吳錫貴綏福大坦村人素行孝友居喪哀毀骨立力貧鞠育四弟教家秩然有規矩年九十邑令張請於上授八品冠帶顏其堂曰長年人瑞子錦國學生能體父之教謙謹敦睦以義方傳其家孫呈祥邑廩生亦有行誼鄉閭式化皆錫貴所貽也

黎燮五

黎燮五慶隆舖人性恬淡而長厚樂善不倦訓子有義方家貧躬耕力食以奉其母孝養備至其待人無厲色皆薰陶而自化有橫逆亦不較鄉里皆稱道之以子翰任徐聞學教諭贈修職郎

單光耀

單光耀號林叟元洲村人樂善好施以財濟物修理橋道建築鄉祠凡有廢闕無不興舉邑令魏綰詳請旌之扁曰大義可風

葉逢遇

增城縣志

卷十四

人物 隱德

十七

葉逢遇字際亨南門外下街人孝友敦篤事親先意承志左右就養居喪毀瘠骨立既終喪乃建祠奉木主寄遐慕焉兄故磊落不善理家人生產析箸時多予之田二十畝器物之美者亦讓之兄卒撫兄子如己子有叔絕嗣無後逢遇割田宅爲之立後弱冠補弟子員赴鄉試十餘次薦而不售逢遇處之泰然而行誼日益篤居恒犯而不校有盜其物者笑而贖之精日者學邑人有井竈細事輒造請逢遇從容占決必盡心焉邑侯鹿以其長厚推爲社倉副出納皆不苟侯愈重之好學勤修几席常書格言以自儆丙辰舉孝廉欲逢遇應詔逢遇

力辭有謙謙君子之風

湛上濟

湛上濟字爲楫學稷次子也補弟子員尋食餼肄業端溪粵秀兩院長楊纘緒何深咸目爲國士院試名噪嶺南舉歲貢有勸其入國子監肄業贈金爲營捐教職者辭曰窮達由命不可強也分產以撫弟之子女分子以繼兄嗣乾隆十六年薦饑有族某借荒歉倡賣祖蒸濟獨挺爭卒中止逆匪王亮臣滋事總督阿駐兵沙貝濟諭鄉人無恐告大吏給符信派能子弟四出密偵導弁協擒賊次第就獲其有株連者抗身白憲力保全活數

增城縣志

卷十四

人物 隱德

十八

百人事寧復面陳大憲以新塘外洋內山請設守以靖伏莽大吏以疏聞始建遊擊等官邑令管一清司其役嘗爲借箸甚賴之暮年猶篤學作勵志詩自警每典衣買書闢一園植香柚數十株環蒔芳蘭坐息其中著有環園集年六十八卒 覃恩貤贈文林郎其後一門簪紱極盛

吳驥

吳驥字存義雅瑤人貲財頗厚生平守正不阿乾隆間鹽務限急江西南康上游二埠尤甚商人病之有廣東督撫某 奏請舉廣東富戶充商遂因端滋擾召驥驥

以無力實告憲示意株連驥獨緘口縲絏三年始終無
易詞後得釋親友咸德之邑人姚愚山贈云鐵漢身經
百鍊金人口用三緘後縣丞鄭某顏其庭曰和睦鄉閭
蓋嘉其慈良愷悌也

劉超達

劉超達號聞遠麻車鄉人性勤儉慈良年越期頤一堂
五代知縣毛具題乾隆壬寅奉 旨旌表 敕賜昇平
人瑞坊額 恩賞上用龍緞二疋白金二十兩頂帶榮
身終壽百有七歲二子俱太學卒年俱九十餘孫揚清
歲貢現任廉州府訓導其孫曾列成均登巒序者共十

增城縣志

卷十四

人物 隱德

十九

人

單 尚 子觀獻

單尚字勳南例貢生元洲人性孝友親在無私財親沒
無墮行居鄉排解紛難好善樂施每歲歉卽倡率賑濟
素以尊師教子爲急暇則寄情吟咏邑侯管品爲隱德
君子贈以額曰川媚山輝又有聯云正物常思咨讜論
敲詩隨意著嘉言其見重若此子觀獻守尚遺訓以勤
儉裕家亦援例選明經常以民生之不易戒慎之不可
怠爲子孫訓年八十有奇九子孫曾三十餘每見莫記
其名子文駒以廩貢歷署肇慶高明陽春教諭其餘聲

蜚膠庠名分列職者莫可悉紀人以爲尚之厚德開於先獻之善繼踵于後云

張麟

張麟字仁徵號愚邨梅都高埔人也性卓落好讀書毅然以古人自許數奇不售援例授明經奉親不離左右以經史課子弟倡建書院於雙鳳山傍請於有司設租以助膏火橫經者益衆時宣 聖訓以誨宗族併懇請大憲准除優免邑人賴之

黃雄畧

黃雄畧字燕盛南門寺前街人邑庠生廉隅砥礪間有

增城縣志

卷十四

人物 隱德

二十

橫逆者置勿問戚友有訟者勸解之而後已常告人曰禮義廉恥國之四維行已誨人皆宜首務舍此不事餘無足觀治家則長幼肅然無敢嬉於其制設教五十餘年循循誘掖有講論不憚形容盡致務使聞者心口了然人之敬而信之所館常十餘年主人猶不忍舍也平生友誼尤篤有邱仁風者山左清河廩生被遣來增見其品學可取命子合宮與遊不以在縲綫輕也邱卒謂子合宮曰生我館死我殯責無可貸也汝亟圖之費無靳殮葬如式後十餘年邱氏子姪來尋得拾遺骸歸故土含淚叩謝又有羊城雷應洲者少相友善同入伍卒

於增無期功親畧雄亦買地葬之且令子孫歲時祭於其墓曰毋使吾友之鬼餒而至今世守其命情至義盡類如此

黃鶴鳴 黃繩憲

黃鶴鳴字粹亭號松皋國學生少失怙與兄繩憲同稟母教憲好吟咏詩稿盈篋鳴相爲墳箴唱和數十年門內怡怡也生平好施與歲歉恒量力周恤外舅失傳爲捐貲置嗣婚娶房屋皆力任焉尤好延師以課子姪終歲誦聲繞壁長子應桂以癸卯領鄉薦歷署直隸知縣次應梅授明經孫起鶚起鵬騰聲璧泮皆鳴之報也

增城縣志

卷十四

人物 隱德

二十一

林浦珠

林浦珠字耀川高桂人邑諸生九臬季子授布政司理問性嚴厲待物以謙甫冠父沒竭誠事母至老孺慕叔與二兄失傳出囊成爲立嗣戚族以婚葬求恤者務量力以應讀書志未遂延師督課子孫歲無暇日祖墓祠宇每捐金修之邑紳構復鳳山書院及城西月門始終勸事肩任其勞子嘉桂嘉譽遊於庠嘉學入太學孫樹藩郡諸生樹儀領鄉薦人稱厚德之報

劉發祿

劉發祿字天寵貢生麻車人父廷試邑庠生品端學粹

祿善承庭訓友愛昆弟諸姪少失怙撫之如已子訓誨均底成立素嗜學手輯先儒言行之鞭辟入己者時爲諸子姪解說尤凜大義能任事喜調恤恒不令人知會城忠昭公祠將圯咸以修復爲艱祿力肩其任卒落成生母父黃某無子鮮強近親旣歿遺之祭費祔於其祖族某貧老子喪遺孫子且穉苦寒餒將鬻諸人祿聞亟止之曰公髦矣僅遺此孤棄之若後嗣何乃育於家又某謀爲亡姪立嗣罄懸無藉請於祿助以金比長受室悼祿之不及見也備觴豆來奠泫睫道故祿家始知其事其隱德多類此與鄉人處溫然如春風而守正不阿

增城縣志

卷十四

人物 隱德

二十一

環族數千人每論事聞其言輒首肯族因以益睦嘉慶甲戌邑令廉知其名白制府授黨正堅不就長子元美官乳源縣教諭後人皆務學有長厚風

賴 怡

賴怡字藹衷賢都臘圃鄉人例授明經富而好善廣積蒸田祖孫均受其庇每假因果之說以導世嘗曰吾非佞佛求福聞之佛者覺也任聖以先覺覺民如來亦以先覺覺世雖所覺之道不同而與人爲善則一也且佛言因果卽吾儒言吉凶伊訓惟吉凶不僭在人惟天降災祥在德異言同旨人能奉行卽聖賢矣遇事必持正

婉轉勸諭樂從而止其捐租入報德寺創建張村石橋
甃砌本鄉石路皆本利物濟人之心而發後 制憲吳
邑侯閻舉鄉飲正賓旌以額曰經明行高子張烈附貢
能承先志孫曾林立多列鬻序實怡隱德所致云

藝術

古人執一藝亦籍以成名術不一矣方書作而醫道立幽象贊而神道設教以故天文術數鈎深抉隱愈精愈幻而青囊兩卷尤爲相陰陽者津津樂道宋儒亦往往墮其習氣至於小學六書寄情托興或臨池搦管或伸帑潑墨意出塵表怪生筆端每到佳處詫若神助名教之外固別有風猷也志

藝術

顧鸞

顧鸞字飛客石灘人工詩善行草得索靖銀鈎蠶尾法

增城縣志

卷十四

人物 藝術

一

嘗苦世之字學如好女臨粧專事姿媚終無烈婦態故其書拙多於巧而骨氣古勁落紙有神時人得其隻字價比兼金生平不輕爲人作書眞蹟遂寥寥矣邑人尹懿亦善書然不及鸞遠甚

賴鏡

賴鏡字孟容少讀書白水山中自號白水道人逃禪萬壽 雅淡點染山水筆力遒勁氣體高凝時手莫及亦工詩所著有素庵詩鈔

王蓋臣

王蓋臣水東人少慷慨有俠氣酒酣興至每攘臂潑墨

作梅花老幹扶疎有寒崖霜雪之致人獲之如重寶嘗
自謂丈夫既不辨調羹手亦當朝探庾嶺夕夢美人以
消遣處士雅懷爲罇前一快事云

鄭爵

鄭爵字列上高賢鋪人弱冠餼於庠爲文根柢理窟結
構嚴密慕成宏遺軌尤工書興至濡毫或如蕭子雲上
林春花或如鍾司徒遊天舞鶴邑侯管公器重之延爲
雙鳳書院山長凡所作碑誌皆借書其手今邑中士大
夫家有藏其真蹟者珍如重寶

武略

文以經邦武以撥亂報國一也班超之投筆馬援之誓志性固各有所近疆場戎馬閒雄心敵愾倚恃長城者非異人任觀于慷慨勤王集義守護可謂一腔熱血大義凜然而羅浮之退隱來鶴亭之賦詩落魄之歸遺一劍又幾幾有雅歌之風矣志

武略

南北周靈甫

周靈甫廣州人廣州刺史孔默雅愛之後默之子熙先謀立彭城王義康以錢六十萬畀靈甫使於康州募兵

增城縣志

卷十四

人物 武略

一

靈甫乃歸廣州遂不返

按靈甫見宋書范蔚宗其於孔氏有知己之恩而不與其亂可謂能知大義者潭中金鑠之說別見竺法真登羅山疏其事頗誕略載古蹟志中茲不敢詳也

宋廖金鳳

廖金鳳字叔祥邑之功武人母何氏夜夢彩鳳入懷而生因以鳳名居鄉能調恤貧匱端平閒廣州軍變鳳招集義兵守護縣治事平功多有司以聞朝廷將官之而金鳳已卒乃贈太尉侯考後分立龍門縣功武屬焉金鳳後遂為龍門人

元吳應雷

吳應雷雅瑤人骭髀負奇節海寇曹叔安等侵據增城
應雷聚衆保障一方皆賴以無恐時朝命欲授以大將
軍應雷守義不出退隱羅浮時值兵荒多癘疫施藥餌
以療之出粟以賑饑之所活千百人鄉邑賴之

據永樂志

明 湛懷德 附 廖德彰

湛懷德沙貝人元季多盜練鄉兵保障都邑懷德爲頭
目遙授元帥以恩威禦衆衆皆受約束時令尙嚴苛竊
物者抵死頭目主之懷德部卒有盜池魚者於法當斬
命歸辭其父母自來就死及期果至懷德曰若誠當死
雖然以魚殺人吾不忍矣戒飭遣之嘗歷他堡見其頭

增城縣志

卷十四

人物 武略

二

目有以微罪殺人者懷德心憐之乃給之曰願借殺於
吾鄉以懲不恪以之歸潛解其縛縱之使遁去而以旣
殺報於是他堡皆感激泣下願爲之死洪武十四年東
莞賊蘇友興作亂朝命南雄侯趙庸爲總兵官討之適
海戰不利懷德仗義帥敢死士往救官兵獲解南雄侯
卒破賊而還居民之近賊巢者以降賊故發各衛所充
軍獨甘泉民以保障得免懷德之功於是爲不朽云有
司建護國保境祠祀之時又有廖德彰者長沙鄉人

今屬

龍門

元末爲本邑教諭嶺海多盜德彰亦建議練鄉兵保

障主其號令民賴以安至明統一寰宇已退居於青帽

山矣會蘇友興作亂復募義兵佐南雄侯趙庸討之寇
平復歸隱

賴麒卿

賴麒卿臘埔村人少負奇氣而勇於義洪武閒蘇友興
搆亂麒卿慨然有誅亂鋤暴之志與長沙鄉廖孟濬連
盟奉藩闔命招募義兵往隸南雄侯趙庸聽調發討捕
立奇功既凱旋率所部兵歸本邑關子洋殘寇設伏待
爲所陷死之君子曰長於料大而不長於料小豈智不
足哉變出不虞齎志以歿惜已

陳仲光

增城縣志
卷十四
人物 武略
三
陳仲光沙貝人剛勇有謀略東莞蘇友興爲亂脇鄉民
以益其黨都指揮提兵至將大行洗蕩禍延其鄉仲光
聞之急挺身赴總兵官白其脇從狀爭之再三事得解
鄉民免於屠戮仲光之賜也

陳經翰

陳經翰字忠甫通判陳堯典次子試有司不利嘆曰丈
夫當出塞外勒功燕然山豈必逡巡佔僂調弄三寸不
律爲能事哉遂旁覽陰符習風角秘占通陣法挾策遊
長安館閣鉅卿知其才咸推轂之後以從軍有邊功授
狼牙總鎮相要害出私俸建城以守之屹然稱金湯遷

潮州時苦倭患以備倭漲潦暴發害民田爲築堤濬淤民無蕩析時太守爲郭青螺甚重焉比歸初來鶴亭招客賦詩讌遊其中有遊燕遊嶽稿山中志懷諸書行於世經翰爲人孝友惇篤個儻仗義聲如洪鐘善譚論筆下兼衆體千言立就有古儒將風流云

湛躍之

湛躍之字陽生沙貝人性任俠好施邑被水嘗出貲以掩其遺骼補郡弟子員鬱鬱不得志遂投筆就武中萬曆壬子天啟辛酉兩科時東事方急從征東軍自効以督師薦遂叅謀關外軍事會朱大司馬遴選步箭擢冠

增城縣志

卷十四

人物 武略

四

一軍明年閻大司馬再遴選事已試以詩詩曰三韓當日欲全收萬里辭家報國仇捧詔但知能殺敵出邊寧想及封侯揮戈汶上三迴捷借箸關門兩度秋落魄歸來餘一劍壯懷今喜爲君酬大司馬甚嘉賞之特疏授京城五營佐擊將軍竟以魏黨註誤敗官卒於京東莞鄧雲霄挽詩引有云陽生方擬登壇妄思請劍竟傷權璫毒燄遂沉巨挺冤魂今雖殲厥大愆尙未盡消宿恨讀此可以得躍之含冤之概矣

按天啟七年閻鳴泰爲兵部尙書其宋大司馬俟考

劉若鱗

劉若鱗字而躍號澄波麻車村人少孤狀貌魁梧聰敏力學慷慨明大義喜談兵每自許奇男子見明季傾覆播越常扼腕時事恨無所藉一展生平抱負乃援例入太學時唐王聿鍵詔大學士蘇觀生領儲賢館分十二科招四方賢士觀生薦之若鱗遂率鄉族間忠義士三百餘人勤王從觀生駐防南安屢立戰功授南安都司順治三年大兵破吉安總督萬元吉乞援觀生遣若鱗率所部二百人助元吉協守綿津灘未戰而潰元吉退回贛州若鱗遂從觀生屯南安贛州復告急觀生又遣之率三千人助元吉守贛值他將戰敗乃復從觀生還

增城縣志

卷十四

人物 武略

五

南安九月唐王死汀州贛州亦破若鱗遂從觀生退入廣州立唐王弟聿鏗是爲紹武時永明王自立於肇慶號永曆而邑人盧弼爲永明王主事改御史皆一時而各事其主兩王不相能日治兵相攻若鱗知大事不可爲遂辭職歸鄉里適弼亦棄官而還後兩人結爲姻親皆絕意仕進然談及往事未嘗不悒悒云若鱗倜儻仗義每遇歲饑盡出其家所有與鄉人共之故人皆感激樂爲之死其三百餘人間有還者亦每念念不忘焉年八十餘臨終謂家人曰吾出不能事君而處不及事父一生抱愧當席藁葬我於吾父墓側他所雖佳吾不願也

今長孫宏學舉人餘皆列庠序有賢聲

增城縣志

卷十四

人物 武略

六